

COMUNICATO n. 3450 del 19/11/2025

Men mu' se innschraim va de 27 van òlderhaileng finz as de 09 van genner 2025

Schualjor en auslònt en de Lander aus de Europäische Union: s sai' u'ganommen kemmen de kriterien ver de studiumprais

[Mòcheno] De Provinzaljunta hòt u'ganommen de nochrìcht ver za gem aus studiumprais ver bem as billt gea' za schual en òndra Lander aus va de Europäische Union. S ist a naieket ver de studentn van dritte jor va de zboate schual va zboate grad, oder van zboate jor van zboategen learinstitutn va zboate grad va viar jor, as billn gea' auslònt ver secks mu'netn oder ver a schualjor.

“De doi naiòrbet, gònz zuazolt pet provinzialgèlt, ist drinn en gònz en de inger provinzialstrategi ver de u'lear. Ber billn unterstitzn s bissn va mearer sprochen van studentn avai ber glam as de kultural, birtschòft ont sozial identitet van Trentin kimp giltn gor petn schaug ont lem boreketn ont kulturn va de gònze bèlt. En de glaiche zait ber bill understitzn s learnen auslònt avai s doi ist bichte ver en bòcks van an iats mensch ober gor ver za learnen dinger as noat sai' ver de bèlt va de òrbet”, tuat unterstraichen der assessor en de u'lear Francesca Gerosa.

BER MU' TOALNEMMEN

S meing toalnemmen en de doi naiòrbet de studentn as:

- sai' noch za mòchen en schualjor 2025/2026 s zboate jor va de zaboateschual va zboate grad va viar jor oder s dritte jor va de schoateschual va zboate grad en balscha schualn;
- **hom nèt mear va zboa'sk jor en lest to as men mu' vourstelln de vrog;**
- lem en de Provinz va Trea't;
- as mòchen toal van a familia as hòt an indicator ICEF “familia” as kimp auser va de staisog ont van pahalter 2024, zeilt no de 15 van lestages 2025, gleich oder minder va 0,83.

BOU

Jorschual en a Lònt aus va de Europäische Union.

TAUERN ZAITN

S tauern va de schualzait mu' bern a jor (nèt minder as 240 ta) oder ver minder zait (mindestn 110 ta).

VOURSTELLN DE VROGN

De vrog ver en studiumprais muast sai' vourstellt, lai' online, **va um 10.00 van pfinsta as de 27 van òlderhaileng 2025 finz um 12.30 van vrai'ta as de 09 van genner 2026**, direkt asn sito www.provincia.tn.it.

S gèlt as bart sai' zuatoalt bart kemmen gem lai benn as ist garift schualjor 2025/2026 a'ne schualmengeln.

S gèlt as men gip hòt der rif za hèlven za zoln de kostn van lem bail as der student geat en auslònt za learnen, ober de organizazion va de u'lear kimp galòk en student ont en de familia. S gèlt as bart kemmen

gem bart bècksln noch en Lònt tschèrlt, noch en bern (s gònz jor oder a kirzera zait) ont en indicator ICEF “Familia”.

Der paitrog ist va 500 tausnt euro ont men stimmt za meing zuazoln ungefèr visk studiumprais.

Ver mearer nochrichthn asn sito www.provincia.tn.it mu men aronemmen de Nochricht Extra UE.

Ibersetz gamòcht van Sprochtirl va de Tolgamoas'schòft Hoa Valzegu' ont Bersntol

(cdt)